

შპს „საქართველოს მყარი ნარჩენების მართვის კომპანია“



ქ.ქუთაისის მყარი საყოფაცხოვრებო გადანაყრების პოლიგონის გასწვრივ - მდინარე რიონის ჭალა-კალაპოტის მარჯვენა სანაპირო ზოლის ნაპირსამაგრი სამუშაოების საპროექტო-სახარჯთაღიცივო დოკუმენტაციის შედგენისა და ობიექტზე საავტორო ზედამხედველობის საპროექტო მომსახურების სახელმწიფო შესყიდვის

საკონკურსო განცხადება

(CPV-71320000-საინჟინრო-საპროექტო მომსახურება)

წინამდებარე საკონკურსო განცხადება შედგენილია „სახელმწიფო შესყიდვების შესახებ“ საქართველოს კანონისა და „კონკურსის მეშვეობით საპროექტო მომსახურების სახელმწიფო შესყიდვის პირობებისა და წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 10 თებერვლის №3 ბრძანების საფუძველზე

ქ.თბილისი

2013 წელი

# ს ა რ ჩ ე ვ ი

1 .	<u>საკონკურსო განცხადება</u>	3
2 .	<u>სახელმწიფო შესყიდვის შესახებ ხელშეკრულების პროექტი</u>	6
3 .	<u>დამატებითი ინფორმაცია</u>	13
4 .	<u>დანართი N1, აფიდავიტის საილუსტრაციო ფორმა</u>	14
5 .	<u>დანართი N2, კონკურსანტის შეთავაზება</u>	15
6 .	<u>დანართი N3, ინფორმაცია ანალოგიური საქმიანობის</u>	16
7 .	<u>დანართი N4, ინფორმაცია ტექ. პერსონალის შესახებ</u>	17
8 .	<u>დანართი N5, ტექნიკური დავალება</u>	

## საკონკურსო განცხადება

შპს „საქართველოს მყარი ნარჩენების მართვის კომპანია“

**აცხადებს კონკურს ქ.ქუთაისის მყარი საყოფაცხოვრებო გადანაყრების პოლიგონის გასწვრივ - მდინარე რიონის ჭალა-კალაპოტის მარჯვენა სანაპირო ზოლის ნაპირსამაგრი სამუშაოებისათვის საპროექტო-სახარჯთაღიცივო დოკუმენტაციის შედგენისა და ობიექტზე საავტორო ზედამხედველობის საპროექტო მომსახურების სახელმწიფო შესყიდვაზე**

**შესყიდვის ობიექტი:** ქ.ქუთაისის მყარი საყოფაცხოვრებო გადანაყრების პოლიგონის გასწვრივ - მდინარე რიონის ჭალა-კალაპოტის მარჯვენა სანაპირო ზოლის ნაპირსამაგრი სამუშაოებისათვის საპროექტო-სახარჯთაღიცივო დოკუმენტაციის შედგენისა და ობიექტზე საავტორო ზედამხედველობის საპროექტო მომსახურების გაწევა.

**1. შესყიდვის ობიექტის სავარაუდო ღირებულება:** შესყიდვის ობიექტის საერთო ღირებულება შეადგენს არაუმეტეს **30 000** (ოცდაათი ათასი) ლარს, რაც მოიცავს საპროექტო-სახარჯთაღიცივო დოკუმენტაციის შედგენის, ობიექტზე საავტორო ზედამხედველობის საპროექტო მომსახურების გაწევის, საქართველოს კანონმდებლობით გათვალისწინებულ შესყიდვის ობიექტის მიწოდებასთან დაკავშირებულ ყველა ხარჯსადა გადასახადებს.

**2. დაფინანსების წყარო:** შპს „საქართველოს მყარი ნარჩენების მართვის კომპანია“-ის საქმიანობისთვის ბიუჯეტის ფარგლებში გამოყოფილი სახსრები.

**3. შესყიდვის ობიექტის მიწოდების ვადა:** ხელშეკრულების გაფორმების დღიდან შესყიდვის ობიექტის შუალედური ჩაბარების ვადა არაუგვიანეს 25-ედღე, ხოლო საბოლოო ჩაბარების ვადა ექსპერტიზის დადებითი დასკვნის საფუძველზე ხელშეკრულების გაფორმებიდან არაუგვიანეს მე-40 დღე.

**4. მონაწილეობის საფასური:** საკონკურსო წინადადების წარდგენისთვის პირი იხდის საფასურს “სახელმწიფო შესყიდვების შესახებ” საქართველოს კანონის 19<sup>1</sup> მუხლის პირველი პუნქტით დადგენილი ოდენობით (50 ლარი). საფასური გადაიხდება სააგენტოს ანგარიშზე, რომელიც მითითებულია სააგენტოს ოფიციალურ ვებგვერდზე ([www.procurement.gov.ge](http://www.procurement.gov.ge)).

**საფასურის გადახდის დამადასტურებელ დოკუმენტში მითითებული უნდა იყოს:**

- ა) გადახდის დამადასტურებელი დოკუმენტის უნიკალური ნომერი და გადახდის თარიღი;
- ბ) შემსყიდველი ორგანიზაციის დასახელება და საიდენტიფიკაციო კოდი;
- გ) კონკურსანტის დასახელება და საიდენტიფიკაციო კოდი;
- დ) საკონკურსო განცხადების სააგენტოს ოფიციალურ ვებგვერდზე გამოქვეყნების შედეგად განცხადებისთვის მინიჭებული უნიკალური ნომერი.

**შენიშვნა:** საკონკურსო წინადადება, რომელიც არ შეიცავს საფასურის გადახდის დამადასტურებელ შესაბამის დოკუმენტს, არ განიხილება. ამასთან, მე-4 პუნქტის დარღვევით წარდგენილი საფასურის გადახდის დამადასტურებელი დოკუმენტის შემთხვევაში, მონაწილე პირის საკონკურსო წინადადება ექვემდებარება დისკვალიფიკაციას.

**5. საკონკურსო წინადადებების მიღება:** კონკურსანტებმა საკონკურსო წინადადება დალუქული პაკეტით უნდა წარმოადგინონ 2013 წლის 02 სექტემბერს 14:00 საათიდან - 16:00 საათამდე, შემდეგ მისამართზე: ქ. თბილისი, ვაჟა-ფშაველას გამზ. N45, შპს „საქართველოს მყარი ნარჩენების მართვის კომპანიის“ ცენტრალური ოფისი, მე-4 სართული, კომპანიის - ეკონომიკური მართვის დეპარტამენტში.

**6. საკონკურსო კომისიის მიერ დალუქული პაკეტების გახსნა მოხდება - 2013 წლის 02 სექტემბერს 16:00 საათზე.**

7. დაგვიანებით წარმოდგენილი საკონკურსო წინადადება არ განიხილება და გაუხსნელად დაუბრუნდება უკან კონკურსანტს.

8. წარმოდგენილი საკონკურსო წინადადება ძალაშია კონკურსში გამარჯვებულ კონკურსანტთან ხელშეკრულების დადებამდე.

**9. დალუქული პაკეტით საკონკურსო წინადადებასთან ერთად კონკურსანტმა უნდა წარმოადგინოს:**

9.1 აფიდავიტი (ხელმოწერილი კონკურსანტის მიერ) დანართი N1-ის მიხედვით;

9.2 კონკურსანტის შეთავაზება (პრეტენდენტის რეკვიზიტები, საკონკურსო წინადადების ფასი დღგ-ს ჩათვლით, დანართი N2-ის მიხედვით), წინადადების ფასი წარმოდგენილი უნდა იყოს მხოლოდ ლარში.

9.3 ინფორმაცია კონკურსანტის მიერ განხორციელებული ნაპირსამაგრი სამუშაოების პროექტირებისა და/ან სხვა მსგავსი სამუშაოების გამოცდილების შესახებ დანართი N3-ის შესაბამისად, მიმწოდებელი ვალდებულია წარმოადგინოს შესრულებული საპროექტო-სახარჯთაღრიცხვო მომსახურების შესახებ ხელშეკრულებები და მიღება-ჩაბარების აქტები (ხელშეკრულების საგნის, დამკვეთის და მისი საკონტაქტო პირის ტელეფონის მითითებით).

9.4 ინფორმაცია შესყიდვაში მონაწილეობის პირის ძირითად სპეციალისტთა (იმ ძირითადი ინჟინერ-ტექნიკური პერსონალის, რომელიც დაკავებული იქნება ამ კონკურსით გათვალისწინებული მომსახურების გაწევაზე) კვალიფიკაციის და გამოცდილების შესახებ დანართი N4-ის შესაბამისად. ძირითად სპეციალისტებს უნდა გააჩნდეთ კონკურსით გათვალისწინებული მსგავსი ხასიათის, სირთულის და შინაარსით მომსახურების გაწევის გამოცდილება.

9.5 ინფორმაცია მომსახურების გაწევის ვადის შესახებ;

9.6 ტექნიკური დავალება (ხელმოწერილი კონკურსანტის მიერ) დანართი N5-ის შესაბამისად;

9.7 განმარტებითი ბარათი: პრეტენდენტმა უნდა წარმოადგინოს დასაპროექტებელი ობიექტის თავისებური ხედვა, მოკლე განმარტებითი ბარათის სახით (საჭიროების შემთხვევაში თან დაერთოს სქემატური ნახაზები).

9.8 საკონკურსო წინადადება, რომლის ფასი აღემატება შესყიდვის სავარაუდო ღირებულებას არ განიხილება;

9.9 საკვალიფიკაციო მონაცემების დამადასტურებელი დოკუმენტები:

ა) ამონაწერი სამეწარმეო რეესტრიდან;

ბ) ცნობა ყადაღის არარსებობის შესახებ;

გ) ცნობა საგადასახადოდან დავალიანების არქონის შესახებ.

**საკვალიფიკაციო მონაცემების დამადასტურებელი დოკუმენტები გაცემული უნდა იყოს კონკურსისათვის სტატუსის „კონკურსი გამოცხადებულია“ მინიჭების შემდგომ.**

10. საკონკურსო წინადადების შეფასება და გამარჯვებული კონკურსანტის გამოვლენა მოხდება 10 ქულიანი სისტემით, შემდეგი კრიტერიუმის გათვალისწინებით:

N	შეფასების კრიტერიუმები	კოეფიციენტი
	საკონკურსო წინადადების ფასი	0.3
	კონკურსანტის გამოცდილება	0.7
	სულ:	1.0

11. კონკურსანტი გამარჯვებულად ჩაითვლება, თუ მას საკონკურსო კომისიის წევრთა მიერ მიენიჭება ყველაზე მაღალი ჯამური ქულა. ქულათა თანაბრად განაწილების შემთხვევაში გადამწყვეტია საკონკურსო კომისიის თავმჯდომარის მიერ მინიჭებული ქულა.

12. გამარჯვებულმა კონკურსანტმა უნდა უზრუნველყოს სრული საპროექტო-სახარჯთაღრიცხვო დოკუმენტაციის შუალედური წარმოდგენა - ხელშეკრულების გაფორმებიდან არაუგვიანეს 25-ე დღისა, ხოლო საბოლოო ჩაბარება ხელშეკრულების გაფორმებიდან არაუგვიანეს მე-40 დღისა.

13. საჭიროების შემთხვევაში შემსყიდველი იტოვებს უფლებას შეიტანოს ცვლილებები საბოლოო დოკუმენტაციაში.

**14. მომსახურების გაწევის პირობები:**

14.1. გასაწევი საპროექტო მომსახურება უნდა შეესაბამებოდეს წინამდებარე საკონკურსო პირობებს და დანართ N5-ში მოცემულ მახასიათებლებს;

14.2. მიმწოდებლის მიერ საკონკურსო განცხადებით გათვალისწინებული საპროექტო მომსახურების გაწევას რულად უნდა განხორციელდეს ხელშეკრულების გაფორმებიდან არაუგვიანეს 40 დღისა;

14.3. პროექტის წარდგენა უნდა განხორციელდეს მიმწოდებლის ხარჯით შემსყიდველის შემდეგ მისამართზე: ქ. თბილისი, ვაჟა-ფშაველას N45, შპს „საქართველოს მყარი ნარჩენების მართვის კომპანია“ ცენტრალური ოფისი;

14.4. მიმწოდებელმა უნდა წარმოადგინოს პროექტის 5 (ხუთი) ეგზემპლარი ქართულ ენაზე ელექტრონული და ნაბეჭდი ფორმით.

14.5. მიმწოდებელმა საპროექტო-სახარჯთაღრიცხვო დოკუმენტაცია დასრულებული სახით უნდა წარმოადგინოს, როგორც ლოკალური, ასევე რესურსული მეთოდით შესრულებული ხარჯთაღრიცხვის თანდართვით.

**15. ანგარიშწორების წესი:**

15.1. ხელშეკრულების მხარეები თანხმდებიან, რომ გაწეული მომსახურების ანაზღაურება შემსყიდველის მიერ განხორციელდება ორ ეტაპად.

15.2. ხელშეკრულებით გათვალისწინებული მომსახურების გაწევის მიზნით, პირველ ეტაპზე შემსყიდველი უნაზღაურებს მიმწოდებელს ავანსს ხელშეკრულების ჯამური ღირებულების 30%-ის (პროცენტი) ოდენობით. მიმწოდებელი ვალდებულია წარმოადგინოს გასაცემი ავანსის ოდენობის უპირობო საბანკო გარანტია, რომელიც ძალაში უნდა იყოს გასაცემი ავანსის დაქვითვამდე.

15.3. ავანსით გათვალისწინებული თანხის გადარიცხვა იწარმოებს უნადლო ანგარიშსწორების ფორმით, მიმწოდებლის მიერ უპირობო საბანკო გარანტიის წარმოდგენის საფუძველზე.

15.4. საბოლოო ანგარიშსწორებისათვის მიმწოდებელი ხელშეკრულებაზე თანდართული ტექნიკური დავალებისა და მომსახურების გაწევის ვადების შესაბამისად, წარუდგენს შემსყიდველს დასრულებულ საპროექტო და სახარჯთაღრიცხვო დოკუმენტაციას, რაზედაც მხარეთა შორის ფორმდება გაწეული მომსახურების შუალედური მიღება-ჩაბარების აქტი.

15.5. მიმწოდებლის მიერ წარმოდგენილ დოკუმენტაციაზე შემსყიდველის გადაწყვეტილებითა და მისივე ხარჯით შესაბამისი უფლებამოსილების მქონე ორგანიზაციის მიერ, ექსპერტიზის (ხარჯთაღრიცხვის შესაბამისობის ექსპერტიზა) ჩატარების შემდგომ, დადებითი რეკომენდაციის (დასკვნის) მიღების შემთხვევაში, სათანადო დასკვნას დებს შემსყიდველი ორგანიზაციის შესაბამისი უფლებამოსილი სამსახური და დგება დასრულებული საპროექტო-სახარჯთაღრიცხვო

დოკუმენტაციის შედგენის მომსახურების საბოლოო მიღება-ჩაბარებისაქტი, რის საფუძველზეც შემსყიდველი ორგანიზაცია აუნაზღაურებს მიმწოდებელს ფაქტიურად გაწეული მომსახურების ღირებულებას საბოლოო მიღება-ჩაბარების აქტისა და დამატებული ღირებულების გადასახადის ანგარიშ-ფაქტურის წარდგენიდან 10 კალენდარული დღის განმავლობაში. ანგარიშსწორება მოხდება გაცემული ავანსის, გაწეულ მომსახურებაზე ექსპერტიზის ჩატარების შემდგომ დადგენილი შესაძლო დეფექტის არსებობის შემთხვევაში მისი გამოსწორებისათვის გათვალისწინებული ჯარიმებისა და სხვა ხარჯების გათვალისწინებით.

**16.** შემსყიდველი უფლებამოსილია ამოქმედოს ავანსის უზრუნველსაყოფად გაცემული საბანკო გარანტია მიმწოდებლის მიერ ხელშეკრულების პირობების დარღვევისა და ხელშეკრულების შეწყვეტის შემთხვევაში, თუ კი შეწყვეტის მომენტისათვის მიმწოდებელს არა აქვს დაქვითული გაცემული ავანსი.

**17.** საავტორო ზედამხედველობას მიმწოდებელი უზრუნველყოფს ამისათვის საჭირო დროს, საპროექტო მომსახურების გაწევისათვის გათვალისწინებული ვადების მიუხედავად. საავტორო ზედამხედველობის ხარჯები მიმწოდებელმა უნდა განსაზღვროს საჭირო კაცდღეების, ტრანსპორტის ხარჯების, სამივლინებო, ზედნადები და მიმწოდებლის სხვა ხარჯების გათვალისწინებით. ყოველ გადახდას შემსყიდველი განახორციელებს მიმწოდებლის საკონკურსო წინადადებით განსაზღვრული საავტორო ზედამხედველობისათვის განკუთვნილი თანხის გამოკლებით. საავტორო ზედამხედველობისათვის დარეზერვირებული სახსრები გამოყენებული იქნება მიზნობრივად ფაქტიურად გაწეულ მომსახურებაზე.

**18.** საავტორო ზედამხედველობას მიმწოდებელი განახორციელებს საქართველოში მოქმედი სამშენებლო ნორმებისა და წესების მოთხოვნების შესაბამისად, შესაბამისი საავტორო ზედამხედველობის ჟურნალის წარმოებით.

**19.** საავტორო ზედამხედველობისათვის განკუთვნილი სახსრები უნდა შეადგენდეს მთლიანი შესყიდვის ობიექტის ღირებულების არანაკლებ 9% პროცენტს.

**20.** გამარჯვებულმა კონკურსანტმა საბოლოო დოკუმენტაციის შედგენისას მჭიდროდ უნდა ითანამშრომლოს შემსყიდველთან და გაითვალისწინოს მისი შენიშვნები და წინადადებები ასეთის არსებობის შემთხვევაში.

**21.** საკონკურსო კომისიას უფლება აქვს ხელშეკრულების დადებამდე ნებისმიერ დროს შეწყვიტოს შესყიდვის პროცედურა, თუ ეს აუცილებელი გახდა მისგან დამოუკიდებელი და წინასწარ გაუთვალისწინებული ობიექტური მიზეზით, აგრეთვე საქართველოს სახელმწიფო ან/და საზოგადოებრივი ინტერესებიდან გამომდინარე. შემსყიდველი ორგანიზაცია ვალდებული არ არის, კონკურსანტს აუნაზღაუროს შესყიდვაში მონაწილეობასთან დაკავშირებული ხარჯები.

# 1. ხელშეკრულება სახელმწიფო შესყიდვის შესახებ

## (პროექტი)

ხელშეკრულების პირობების საბოლოო ვარიანტი შეიძლება დაზუსტდეს კონკურსში გამარჯვებულ პრეტენდენტთან ხელშეკრულების გაფორმების პროცესში.

### ხელშეკრულებისპროექტი (საპროექტომომსახურებისშესყიდვა)

#### სახელმწიფოშესყიდვისშესახებ

N

თბილისი

----- 2013წ.

შპს „საქართველოს მყარი ნარჩენების მართვის კომპანია“, დირექტორის -----სახით, შემდგომში -- შემსყიდველი, ერთის მხრივ, ----- (მიმწოდებლის დასახელება და რეკვიზიტები) შემდგომში -- მიმწოდებელი, მეორეს მხრივ, „სახელმწიფო შესყიდვების შესახებ“ საქართველოს კანონისა და საკონკურსო წინადადების საფუძველზე, ვდებთ წინამდებარე ხელშეკრულებას შემდეგზე:

#### მუხლი 1. ხელშეკრულების საგანი

1.1 ხელშეკრულების შესყიდვის ობიექტს წარმოადგენს ქ.ქუთაისისმყარი საყოფაცხოვრებო გადანაყრების პოლიგონის გასწვრივ - მდინარე რიონის ჭალა-კალაპოტის მარჯვენა სანაპირო ზოლის ნაპირსამაგრი სამუშაოებისათვის საპროექტო-სახარჯთაღრიცხვო დოკუმენტაციის შედგენისა და ობიექტზე საავტორო ზედამხედველობის საპროექტო მომსახურების გაწევის შესყიდვა - შემდგომში მომსახურება.

#### მუხლი 2. ღირებულებადაანგარიშსწორებისწყესი

2.1 ხელშეკრულების საერთო ღირებულებას საქართველოს კანონმდებლობით გათვალისწინებული დამატებული ღირებულების გადასახადის გათვალისწინებით შეადგენს ----- (-----) ლარს.

2.2 მხარეები ანგარიშსწორებას ახორციელებენ ლარებში (თუ მიმწოდებელი საქართველოს რეზიდენტი), ამ ხელშეკრულებით გათვალისწინებულ რეკვიზიტებზე, უნაღდო ანგარიშსწორების ფორმით.

2.3 მიმწოდებელი ანგარიშსწორებისას ვალდებულია წარმოადგინოს, ფაქტიურად გაწეული მომსახურების მთლიანი და ჯამური (დამატებული ღირებულების გათვალისწინებით) ღირებულება.

2.4 ხელშეკრულების მხარეები თანხმდებიან, რომ იმ შემთხვევაში თუ მიმწოდებლის მიერ შემსყიდველ ორგანიზაციაში წარმოდგენილი იქნება თხოვნა ავანსის გაცემასთან დაკავშირებით, აღნიშნულ საკითხზე შემსყიდველის თანხმობის შემთხვევაში გასაწევი მომსახურების ანაზღაურება განხორციელდება ორ ეტაპად, ხოლო მიმწოდებლის მხრიდან მსგავსი თხოვნის წარმოდგენლობისას გაწეული მომსახურების შესაბამისი ანაზღაურება განხორციელდება ერთ ეტაპად წინამდებარე ხელშეკრულების 2.7-2.8 პუნქტების შესაბამისად.

2.5 იმ შემთხვევაში თუ ხელშეკრულებით გათვალისწინებული მომსახურების გაწევის მიზნით, წარმოდგენილია ავანსის მოთხოვნა, პირველ ეტაპზე შემსყიდველი უნაზღაურებს მიმწოდებელს ავანს ხელშეკრულების ჯამური ღირებულების 30%-ის(პროცენტი) ოდენობით. მიმწოდებელი ვალდებულია წარმოადგინოს გასაცემი ავანსის ოდენობის უპირობო საბანკო გარანტია, რომელიც ძალაში უნდა იყოს გასაცემი ავანსის დაქვითვამდე.

2.6 ავანსით გათვალისწინებული თანხის გადარიცხვა იწარმოებს უნაღდო ანგარიშსწორების ფორმით მიმწოდებლის მიერ უპირობო საბანკო გარანტიის წარმოდგენის საფუძველზე, ამ ხელშეკრულებით გათვალისწინებულ საბანკო რეკვიზიტებზე.

2.7 საბოლოო ანგარიშსწორებისათვის მიმწოდებელი ხელშეკრულებაზე თანდართული ტექნიკური დავალებისა და მომსახურების გაწევის ვადების შესაბამისად, წარუდგენს შემსყიდველს დასრულებულ

საპროექტო და სახარჯთაღრიცხვო დოკუმენტაციას, რაზედაც მხარეთა შორის ფორმდება გაწეული მომსახურების შუალედური მიღება-ჩაბარების აქტი.

2.8 მიმწოდებლის მიერ წარმოდგენილ დოკუმენტაციაზე შემსყიდველის გადაწყვეტილებითა და მისივე ხარჯით შესაბამისი უფლებამოსილების მქონე ორგანიზაციის მიერ, ექსპერტიზის (ხარჯთაღრიცხვის შესაბამისობის ექსპერტიზა) ჩატარების შემდგომ, დადებითი რეკომენდაციის (დასკვნის) მიღების შემთხვევაში, სათანადო დასკვნას დებს შემსყიდველი ორგანიზაციის შესაბამისი უფლებამოსილი სამსახური და დგება დასრულებული საპროექტო-სახარჯთაღრიცხვო დოკუმენტაციის შედგენის მომსახურების საბოლოო მიღება-ჩაბარების აქტი, რის საფუძველზეც შემსყიდველი ორგანიზაცია აუნაზღაურებს მიმწოდებელს ფაქტიურად გაწეული მომსახურების ღირებულებას საბოლოო მიღება-ჩაბარების აქტისა და დამატებული ღირებულების გადასახადი სანგარიშ-ფაქტურის წარდგენიდან 10 კალენდარული დღისგანმავლობაში. ანგარიშსწორება მოხდება გაცემული ავანსის, გაწეულ მომსახურებაზე ექსპერტიზის ჩატარების შემდგომ დადგენილი შესაძლო დეფექტის არსებობის შემთხვევაში მისი გამოსწორებისათვის გათვალისწინებული ჯარიმებისა და სხვა ხარჯების გათვალისწინებით.

2.9 საავტორო ზედამხედველობას მიმწოდებელი უზრუნველყოფს ამისათვის საჭირო დროს, საპროექტო მომსახურების გაწევისათვის გათვალისწინებული ვადების მიუხედავად. საავტორო ზედამხედველობის ხარჯები მიმწოდებელმა უნდა განსაზღვროს საჭირო კაცდღეების, ტრანსპორტის ხარჯების, სამივლინებო, ზედნადები და მიმწოდებლის სხვა ხარჯების გათვალისწინებით. ყოველ გადახდას შემსყიდველი განახორციელებს მიმწოდებლის სატენდერო წინადადებით განსაზღვრული საავტორო ზედამხედველობისათვის განკუთვნილი თანხის გამოკლებით. საავტორო ზედამხედველობისათვის და რეზერვირებული სახსრები გამოყენებული იქნება მიზნობრივად ფაქტიურად გაწეულ მომსახურებაზე.

2.10 საავტორო ზედამხედველობისათვის განკუთვნილი სახსრები უნდა შეადგენდეს მთლიანი შესყიდვის ობიექტის ღირებულების არანაკლებ 9% პროცენტს.

2.11 შემსყიდველი უფლება მოსილია აამოქმედოს ავანსის უზრუნველსაყოფად გაცემული საბანკო გარანტია მიმწოდებლის მიერ ხელშეკრულების პირობების დარღვევისა და ხელშეკრულების შეწყვეტის შემთხვევაში, თუკი შეწყვეტის მომენტისათვის მიმწოდებელს არა აქვს დაქვითული გაცემული ავანსი ან მისი ნაწილი.

### **მუხლი 3. მომსახურების შესაბამისობა**

3.1. ხელშეკრულების პირველი მუხლით გათვალისწინებული მომსახურება უნდა შეესაბამებოდეს მოქმედ ნორმებსა და წესებს, მსგავსი მომსახურებისათვის უკვე დადგენილ სტანდარტებს, ტექნიკურ სპეციფიკაციებს, აგრეთვე ტექნიკური დავალებით გათვალისწინებულ პირობებს, რომელიც ამ ნაწილში წინამდებარე ხელშეკრულების მიზნებიდან გამომდინარე მისი განუყოფელი ნაწილი ხდება.

3.2. 3.1. პუნქტში აღნიშნული წესებიდან და ნორმებიდან ნებისმიერი გადახვევის შემთხვევაში შემსყიდველი უფლებამოსილია არ მიიღოს გაწეული მომსახურება ან/დამიმწოდებლის მიმართ გამოიყენოს ამ ხელშეკრულებითა და საქართველოს კანონმდებლობით გათვალისწინებული პასუხისმგებლობის ზომები.

### **მუხლი 4. მომსახურების მიღება-ჩაბარების წესი**

4.1. მიმწოდებლისაგან, გაწეული მომსახურების შესაბამის დოკუმენტაციას (ნახაზებს, ლოკალურ და რესურსული მეთოდით გაანგარიშებულ ხარჯთაღრიცხვას, ტექნიკურ ანგარიშებსა და სხვა დოკუმენტაციას) შემსყიდველი მიიღებს ინსპექტირების აქტის შედგენის შემდგომ გაფორმებული შუალედური მიღება-ჩაბარების აქტის საფუძველზე, რის შემდგომაც ხორციელდება წარმოდგენილი დოკუმენტაციის ექსპერტიზაზე გადაცემისა და სათანადო დასკვნის მიღების პროცედურა. შესაბამისი რეკომენდაციებისა და დადებითი საექსპერტო დასკვნის მიღების შემდგომ, ხელშეკრულების მხარეთა შორის დგება დასრულებული საპროექტო-სახარჯთაღრიცხვო მომსახურების მიღება-ჩაბარების ორმხრივი აქტი, რომელიც განსაზღვრავს გაცემული დავალების შესრულებას და სრულ ასანაზღაურებელ თანხას.

4.2. შესყიდვის ობიექტი მიღებულად ჩაითვლება, მხოლოდ საბოლოო მიღება-ჩაბარების აქტის გაფორმების შემდგომ. გაწეულ მომსახურებას მიმწოდებელი აბარებს შემსყიდველს შემსყიდველის მიერ განსაზღვრული წესით. შემსყიდველის მხრიდან მიღება-ჩაბარების აქტს ხელს აწერს - ტექნიკური დეპარტამენტის



4.3. იმ შემთხვევაში, თუ გაწეული მომსახურების შუალედური კონტროლის შედეგები (ექსპერტიზის დასკვნა) უარყოფითია, შემსყიდველს შეუძლია უარი განაცხადოს შესყიდვის ობიექტის ან მისი ნაწილის (ეტაპის) მიღება-ანაზღაურებაზე, და/ან მიმწოდებელს ეძლევა გონივრული ვადა აღნიშნული ხარვეზების გამოსასწორებლად.

4.4. შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი, ხელშეკრულების მოქმედების ვადის მიუხედავად.

## **მუხლი 5. მხარეთა უფლება-მოვალეობანი**

5.1. მიმწოდებელი ვალდებულია:

ა) მომსახურების შესრულების პროცესში იხელმძღვანელოს ამ ხელშეკრულების 3.1. პუნქტში გათვალისწინებული წესებითა და პირობებით;

ბ) უზრუნველყოს მომსახურების გაწევა ხელშეკრულების გაფორმებიდან **40** დღის განმავლობაში (აღნიშნული პერიოდი მოიცავს გასაწევი მომსახურების 2 ეტაპად წარმოდგენის ვალდებულებას), პირველი ეტაპი ხელშეკრულების გაფორმებიდან **25**-ე დღე, მეორე ეტაპი (სრული დოკუმენტაციის საბოლოო ჩაბარების ვადა) ხელშეკრულების გაფორმებიდან **მე-40** დღე;

გ) მიმწოდებელი ვალდებულია მომსახურება განახორციელოს ხელშეკრულებაზე თანდართული ტექნიკური დავალების შესაბამისად;

დ) დასრულებული საპროექტო-სახარჯთაღიცხვო დოკუმენტაცია წარმოადგინოს 5 ეგზემპლარად ნაბეჭდი და ელექტრონული ფორმატით;

ე) მიმწოდებელი ვალდებულია შემსყიდველის მოთხოვნის შესაბამისად, წარუდგინოს მას ინფორმაცია გასაწევი ან/დაგაწეული მომსახურების შესახებ;

ვ) საკუთარი ხარჯებით უზრუნველყოს ამ ხელშეკრულების ფარგლებში გაწეული მომსახურების შუალედური კონტროლის უარყოფითი შედეგების (ექსპერტიზის დასკვნა) საფუძველზე გამოვლენილი ყველა დეფექტის ან ნაკლის აღმოფხვრა;

ზ) შემსყიდველს უმოკლეს ვადაში აცნობოს მისი ორგანიზაციის მოსალოდნელი რეორგანიზაციის ან ლიკვიდაციის შესახებ;

5.2. შემსყიდველი ვალდებულია:

ა) საამისოდ შერჩეულ პირთან/ან პირებთან ერთად აწარმოოს ინსპექტირება მომსახურების გაწევის ვადების მიმდინარეობაზე, რომელთა დარღვევის შემთხვევაში იგი უფლებამოსილია შეაჩეროს მომსახურების გაწევის მიმდინარეობა;

ბ) შეუფერხებლად აუნაზღაუროს მიმწოდებელს გაწეული მომსახურების ღირებულება ამ ხელშეკრულებით გათვალისწინებული ვადების შესაბამისად.

## **მუხლი 6. ფორს-მაჟორი**

6.1 მხარეები თავისუფლდებიან ხელშეკრულებით გათვალისწინებული ვალდებულებების შეუსრულებლობით გამოწვეული პასუხისმგებლობისაგან, თუ ვალდებულებების შეუსრულებლობა გამოწვეულია დაუძლეველი ძალის (სტიქიური უბედურება, ეპიდემია, ომი, საზოგადოებრივი არეულობა, ცვლილებები კანონმდებლობაში და ა.შ) ზეგავლენით, რომლის წინასწარ განსაზღვრა ან თავიდან აცილება მხარეების შესაძლებლობას აღემატებოდა. დაუძლეველი ძალით გამოწვეული მოვლენები ეწოდება მოვლენებს, რომლის წარმოშობასა და განვითარებაზე მხარეებს ზეგავლენის მოხდენა არ შეუძლიათ (ფორს-მაჟორი).

6.2 მხარე, რომელსაც მიზეზად დაუძლეველი ძალის მოვლენები მოჰყავს, ვალდებულია დაუყოვნებლივ აცნობოს მეორე მხარეს წერილობით ასეთი მოვლენების დადგომის თაობაზე. ამასთან, მეორე მხარის მოთხოვნის შემთხვევაში, უნდა წარმოადგინოს დაუძლეველი ძალის მოვლენების არსებობის დამადასტურებელი დოკუმენტი, რომ ამ მოვლენამ არსებითად ხელი შეუშალა მხარეს ხელშეკრულებით გათვალისწინებული ვალდებულების შესრულებაში.

## **მუხლი 7. პასუხისმგებლობა**

7.1. ხელშეკრულების პირობების შეუსრულებლობის ან არაჯეროვნად შესრულებისათვის დამრღვევი მხარე ვალდებულია მეორე მხარის მოთხოვნისთანავე გადაუხადოს მას პირგასამტეხლოს სახით ხელშეკრულების მთლიანი ღირებულების 1% (ერთი) პროცენტი არაუგვიანეს 14 საბანკო დღეში და უზრუნველყოს დარღვეული უფლების დაუყოვნებლივ გამოსწორება.

7.2 იმ შემთხვევაში, თუ მიმწოდებელზე ხელშეკრულების პირობების დაზღვევის გამო დაკისრებული პირგასამტეხლოს ჯამური თანხა გადააჭარბებს ხელშეკრულების საერთო ღირებულების 5 (ხუთი) პროცენტს, მეორე მხარეს უფლება აქვს ცალმხრივად შეწყვიტოს ხელშეკრულება.

## **მუხლი 8. ხელშეკრულების შეწყვეტა**

8.1 ხელშეკრულების დამდები ერთ-ერთი მხარის მეორე ხელშეკრულების პირობების შეუსრულებლობის შემთხვევაში, მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ, რაზედაც აცნობებს მეორე მხარეს წერილობითი ფორმით.

8.2 ხელშეკრულების ცალკეული პირობების მოქმედების შეწყვეტა არ ათავისუფლებს მეორე მხარეს დანარჩენი ვალდებულებების შესრულებისაგან.

8.3 ხელშეკრულების შეწყვეტის გაფორმება ხდება დანართი შეთანხმების გზით, მაგრამ შეუთანხმებლობის შემთხვევაში მხარეებს უფლება აქვთ გამოიყენონ ხელშეკრულების ცალმხრივად (წერილობითი ფორმით) შეწყვეტის შესაძლებლობა.

8.4 შემსყიდველი უფლებამოსილია ვადამდე, ცალმხრივად შეწყვიტოს ამ ხელშეკრულების მოქმედება თუ:

- ა) მიმწოდებელი არღვევს ამ ხელშეკრულების პირობებს (არ ასრულებს ან არაჯეროვნად ასრულებს);
- ბ) მიმწოდებლის მიმართ მიმდინარეობს გაკოტრების საქმე (მიუხედავად მისი დაწყების დროისა);
- გ) მიმწოდებლის ქონებას დაედო ყადაღა;
- დ) მიმდინარეობს მიმწოდებლის რეორგანიზაცია, თუ ეს გარემოება ზეგავლენას ახდენს ან შესაძლებელია მოახდინოს ხელშეკრულების ჯეროვან შესრულებაზე;
- ე) ამოიწურა ხელშეკრულების გარანტიით განსაზღვრული თანხა და მიმწოდებელმა არ წარმოადგინა ახალი გარანტია.

## **მუხლი 9. უფლებების გადაცემა**

9.1 წინამდებარე ხელშეკრულების არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

9.2 მესამე პირებთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

## **მუხლი 10. სუბკონტრაქტორები**

10.1 მიმწოდებელმა წერილობით უნდა აცნობოს შემსყიდველს წინამდებარე ხელშეკრულების ფარგლებში დადებული უველა სუბკონტრაქტის შესახებ, თუ ეს უკვე არ არის მითითებული სატენდერო წინადადებაში.

10.2 ამ ხელშეკრულების ფარგლებში დადებული ყველა სუბკონტრაქტის ასლი უნდა წარედგინოს შემსყიდველს.

10.3 სუბ-კონტრაქტორის მიერ შესასრულებელი სამუშაოების ჯამური მოცულობა არ უნდა აღემატებოდეს გასაწევი მომსახურების მთლიანი მოცულობის 40%.

10.4 მომსახურების გაწევის პროცესში სუბ-კონტრაქტორის შეცვლა, ან დამატებითი სუბ-კონტრაქტორის აყვანა ასევე უნდა შეთანხმდეს შემსყიდველთან. მიმწოდებელი ვალდებულია აცნობოს შემსყიდველს მოცულობის რა ნაწილი გადაეცემა სუბ-კონტრაქტორს.

10.5 მიმწოდებელი და მისი სუბ-კონტრაქტორი ვალდებული არიან დასაპროექტებელ ობიექტზე შეარჩიონ და დანიშნონ ის წამყვანი ინჟინერ-ტექნიკური სპეციალისტები, რომლებიც მოხსენებული იყო მიმწოდებლის საკვალიფიკაციო მონაცემებში და მოწონებულია შემსყიდველის მიერ.

10.6 მიმწოდებელი, მის მიერ საკვალიფიკაციო მონაცემებში წარმოდგენილი მასთან მომუშავე წამყვანი ინჟინერ-ტექნიკური სპეციალისტის სიობრივი რაოდენობის ზევით სპეციალისტს(ებს) ნიშნავს შემსყიდველთან შეთანხმებით.

## **მუხლი 11. შეტყობინება**

11.1 ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, დეპეშის, ტელექსის ან ფაქსის სახით, ორიგინალის შემდგომი წარმოდგენით, წინამდებარე ხელშეკრულებაში მითითებული მეორე მხარის მისამართზე.

11.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

## **მუხლი 12. ინსპექტირება**

12.1. წინამდებარე ხელშეკრულებით გათვალისწინებული პირობების, კერძოდ საპროექტო-სახარჯთაღრიცხვო დოკუმენტაციის სრული სახით წინამდებარე კონტრაქტით გათვალისწინებული ვადებში წარმოდგენის კონტროლს ახორციელებს შემსყიდველის შესაბამისი სტრუქტურული ერთეულის ტექნიკური დეპარტამენტის შემდეგი უფლებამოსილი წარმომადგენლები -----

12.2 შემსყიდველს ან მის უფლებამოსილ წარმომადგენელს უფლება აქვს ხელშეკრულების პირობების შესრულების ნებისმიერ ეტაპზე განახორციელოს კონტროლი მიმწოდებლის მიერ ნაკისრი ვალდებულებების დათქმულ ვადებში შესრულების მიმდინარეობაზე. ინსპექტირების განმახორციელებელი პირის ან პირების მიერ შედგენილი აქტი არის ობიექტის შუალედური მიღების, ხოლო შემდგომში ექსპერტიზის დადებით დასკვნასთან ერთად უკვე გაწეული მომსახურების საბოლოო მიღება-ჩაბარების აქტის გაფორმების საფუძველი.

## **მუხლი 13. სხვა პირობები**

13.1 ნებისმიერი გადახრა ან ცვლილება ამ ხელშეკრულების პირობებში დაიშვება მხოლოდ ორივე მხარის მიერ ხელმოწერილი წერილობითი შესწორებების საფუძველზე.

13.2 იმ შემთხვევაში, თუ მომსახურების გაწევის დროს ამ ხელშეკრულების ღირებულებისა და ანგარიშსწორებიდან გამომდინარე, ან რაიმე წინასწარ გაუთვალისწინებელი მიზეზის გამო წარმოიშვა ხელშეკრულების პირობების შეცვლის აუცილებლობა, მათ შორის ფასების გადასინჯვის შესაძლებლობა, ასეთი ცვლილებები დასაშვებია წინამდებარე ხელშეკრულების საერთო შინაარსის ფარგლებში და ცვლილებების შეტანის ინიციატორი მხარე ვალდებულია წერილობით შეატყობინოს მეორე მხარეს შესაბამისი დასაბუთებული ინფორმაცია.

13.3 ნებისმიერ ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

13.4 წინამდებარე ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

13.5 მხარეთა შორის წარმოშობილი სადავო საკითხები წყდება ურთიერთშეთანხმებითა და მოლაპარაკებების გზით; იმ შემთხვევაში, თუ შეთანხმება არ იქნება მიღწეული უთანხმოების წარმოშობიდან 30 დღის განმავლობაში, დავა გადაწყდება სასამართლოს მეშვეობით საქართველოს კანონმდებლობის შესაბამისად.

13.6 ხელშეკრულება შედგენილია ქართულ ენაზე ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი პირი შემსყიდველთან და ერთი პირი მიმწოდებელთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

#### 14. ხელშეკრულების მოქმედების ვადა

14.1 ხელშეკრულების მოქმედების ვადა განისაზღვრება ხელშეკრულების ხელის მოწერის დღიდან და მოქმედებს მხარეთა მიერ ნაკისრი ვალდებულებების სრულ და ჯეროვან შესრულებამდე – 2013 წლის ----- ჩათვლით.

#### მუხლი 15. მხარეთა რეკვიზიტები და ხელმოწერები

##### შემსყიდველი

შპს „საქართველოს მყარი ნარჩენების მართვის კომპანია“, იურიდიული მის. საქართველო, თბილისი, ალ. ყაზბეგის გამზ. N12, ფაქტიური მისამართი: ქ. თბილისი, ვაჟა-ფშაველას გამზირი N45, მე-4 სართული, საბანკო რეკვიზიტები: საიდენტიფიკაციო კოდი 404942470, სს „თიბისი ბანკი“, ბანკის კოდი TBCBGE22 ანგარიშის ნომერი: GE51TB7161936080100005.

ხელმოწერა \_\_\_\_\_

ბ.ა.

##### მიმწოდებელი:

ხელმოწერა \_\_\_\_\_

ბ.ა.

#### დამატებითი ინფორმაცია:

საკონკურსო პირობებთან და შესყიდვის ობიექტთან დაკავშირებული განმარტებების მიღება კონკურსანტს შეუძლია შემდეგი საკონტაქტო პირისგან: ნინო ჭეიშვილი, ტელ: 599 57 98 99.

## ა ფ ი დ ა ვ ი ტ ი

### საკონკურსო წინადადების დამოუკიდებლად განსაზღვრის თაობაზე

კონკურსში მონაწილეობის მიღების მიზნით, ვადასტურებ, რომ ჩემს მიერ წარმოდგენილი საკონკურსო წინადადება შემუშავებულია კონკურენტისგან დამოუკიდებლად. ასევე ვადასტურებ, რომ:

- ჩემთვის ცნობილია, რომ საკონკურსო წინადადება დისკვალიფიცირებულ იქნება, თუ აღმოჩნდა, რომ აფიდავიტში მოცემული ინფორმაცია არის ყალბი ან/და ცრუ;
- უფლებამოსილი ვარ პრეტენენტის მიერ, ხელი მოვაწერო ამ აფიდავიტს და წარვადგინო ეს საკონკურსო წინადადება;
- ნებისმიერ პირი, რომლის ხელმოწერაც დაფიქსირებულია საკონკურსო წინადადებაზე, შესაბამისად უფლებამოსილია პრეტენდენტის მიერ;
- ჩემთვის ცნობილია რომ ტერმინი “კონკურენტი” აფიდავიტის მიზნებიდან გამომდინარე,

გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს საკონკურსო წინადადება ამ კონკურსში;

– მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულა კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:

- საკონკურსო წინადადების ფასი;
- საკონკურსო წინადადების ფასის გამოთვლის მეთოდი, კოეფიციენტი ან ფორმულა;
- საკონკურსო წინადადების წარდგენა ან წარდგენისგან თავის შეკავება;
- ისეთი საკონკურსო წინადადების განზრახ წარდგენა, რომელიც არ აკმაყოფილებს გამოცხადებული კონკურსის პირობებს;
- შესყიდვის ობიექტის ხარისხი, მოცულობა, ტექნიკური პირობები ან მიწოდების დეტალები, რომელთაც ეხება საკონკურსო წინადადება;

\* საკონკურსო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არგაუმჟღავნებია ან/და არ გაუმჟღავნებს კონკურენტს საკონკურსო წინადადების განსაჯაროების მომენტამდე.

გავეცანი ამ აფიდავიტის შინაარსს და ვადასტურებ წარმოდგენილი ინფორმაციის უტყუარობას.

### **თანხმობა**

სახელმწიფო შესყიდვების მიზნებისთვის, აფიდავიტი წარმოადგენს საკონკურსო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერი, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავიტით განსაზღვრული პირობების დარღვევა იწვევს სისხლის-სამართლებრივ პასუხისმგებლობას საქართველოს სისხლის სამართლის კოდექსის 195<sup>1</sup> მუხლის შესაბამისად.

კონკურსანტის ხელმოწერა

---

კონკურსანტის შეთავაზება

1 .	პრეტენდენტის იურიდიული ფორმა და დასახელება:	
	ხელმძღვანელის სახელი და გვარი:	
	პრეტენდენტის იურიდიული ან/და ფაქტიური მისამართი:	
	საიდენტიფიკაციო კოდი:	
	პრეტენდენტის ტელეფონის ნომერი:	
	ელექტრონული ფოსტა:	
	ბანკი:	
	ბანკის კოდი:	
	ანგარიშის ნომერი:	
2 .	საკონკურსო წინადადების ფასი:	

კონკურსანტის ხელმოწერა -----

ინფორმაცია განხორციელებული  
ანალოგიური საქმიანობის შესახებ

კონკურსანტის დასახელება:

N	გაწეული მომსახურების დასახელება	ვადები		დამკვეთი/საკონტაქტო პირის ტელეფონი	გაწეული მომსახურების	შენიშვნა
		დასაწყისი	დასასრული			
1	2	3	4	5	6	7
1						
2						
3						
4						
5						
.						
.						
.						
.						
n						

კონკურსანტის ხელმოწერა -----



ინფორმაცია ტექნიკური პერსონალის გამოცდილების შესახებ

თანამდებობა, სპეციალობა	გვარი, სახელი	მუშაობის საერთო გამოცდილება (წელი)	მსგავსი მომსახურების გაწევის გამოცდილება (წელი)	შტატში მყოფი	შტატგარეშე თანამშრომელი	შენიშვნა

კონკურსანტის ხელმოწერა -----

~

## ტექნიკური დავალება

### ქ. ქუთაისის მყარი საყოფაცხოვრებო გადანაყრების პოლიგონის გასწვრივ - მდინარე რიონის ჭალა-კალაპოტის მარჯვენა სანაპირო ზოლის ნაპირსამაგრი სამუშაოების პროექტის თაობაზე

#### 1. შესყიდვის ობიექტი;

წინამდებარე ტექნიკური დავალება ითვალისწინებს ქ. ქუთაისის მყარი საყოფაცხოვრებო გადანაყრების პოლიგონთან მის გასწვრივ - უშუალო სიახლოვეს არსებულ მდინარე რიონის ჭალა-კალაპოტის მარჯვენა სანაპირო ზოლის ნაპირსამაგრი სამუშაოებთან დაკავშირებულ სრულ საპროექტო-სახარჯთაღრიცხვო დოკუმენტაციის მომზადებას.

#### 1.1. ობიექტის მოკლე დახასიათება;

ქ. ქუთაისის პოლიგონი: განთავსებულია ქუთაისი-გეგუთის მაგისტრალზე, ნიკიას ქუჩის გასწვრივ, ფართობი შეადგენს 150962,28 კვ/მ-ს, ვიზუალური დაკვირვებით ჩანს, რომ ნარჩენები ქაოსურად, უწესრიგოდ არის განთავსებული, რის გამოც ფართობი თითქმის ბოლომდეა ათვისებული, ნარჩენების სიმაღლე ზოგიერთ ადგილას 12-15 მ-ს აღწევს. პერიმეტრზე არსებული წრიული გზაც ნაგვითაა გადაფარული. არასწორი ექსპლუატაციის გამო დაბინძურებულია ტერიტორიის შიგნით არსებული საირიგაციო არხი. შეინიშნება ნარჩენების წვის ინტენსიური კერები.

მდ. რიონის ჭალა-კალაპოტის მარჯვენა სანაპირო ზოლი (დაახლ. 700 გრ/მეტრი), ეროზირებულია, იგი ტერიტორიას აღმოსავლეთის მხრიდან უშუალო სიახლოვეს ესაზღვრება. პერიოდულად რეცხავს ნაპირს და ნარჩენებთან ერთად ნაჟური წყლებით ბინძურდება. აღნიშნულის გამო აუცილებელია ნაპირდამცავი ღონისძიებების ჩატარება.

#### 1.2. გასაწევი მომსახურება;

კონკურსში გამარჯვებული ვალდებულია:

- ადგილზე დაათვალიეროს, შეისწავლოს და განსაზღვროს ჩასატარებელი ნაპირსამაგრი სამუშაოების სრული ნუსხა;
- წარმოადგინოს განმარტებითი ბარათი, რომელიც უნდა მოიცავდეს ნაპირსამაგრის სამუშაოების მოცულობების უწყისში მითითებული სამუშაოების ტექნოლოგიური თანმიმდევრობისა და მეთოდების დაწვრილებით აღწერას და ინფორმაციას მათი განხორციელების ნორმატიული ვადის შესახებ.
- შეადგინოს სამუშაოთა ღირებულების კალკულაციას სამუშაოთა მოცულობების უწყისის საფუძველზე. ხელფასისა და მასალების ღირებულების განსაზღვრა განხორციელდეს მოქმედ საბაზრო ფასებზე დაყრდნობით;
- საპროექტო დოკუმენტაციის გრაფიკული ნაწილი მოწოდებული იქნეს DWG ან ArchiCAD და PDF ფაილებად (2D და 3D ფორმატში) დამუშავდეს მოქმედი სამშენებლო-საპროექტო ნორმებისა და წესების შესაბამისად;

- გაუწიოს საავტორო ზედამხედველობა მის მიერ წარმოდგენილ საპროექტო-სახარჯთაღრიცხვო დოკუმენტაციას, მშენებლობის განხორციელების პროცესში.

### 1.2.1 პოლიგონის ნაპირსამაგრი სამუშაოების პროექტი გულისხმობს:

საძიებო სამუშაოები:

- ა) ტერიტორიისა და მდინარის ჭალა-კალაპოტის ტოპო-გეოდეზიური დაგეგმვა; (გენგეგმა-მ.1:1000);
- ბ) მდინარის განივი პროფილების გადაღება;
- გ) საკვლევი უბნის საინჟინრო-გეოლოგიური გამოკვლევა - შეფასება;
- დ) მდინარის საანგარიშო ხარჯის დადგენა;
- ე) კალაპოტის მაქსიმალური ზოგადი წარეცხვის სიღრმის დადგენა;
- ვ) მდინარის საანგარიშო სიჩქარის დადგენა;

ნაპირდამცავი ნაგებობის პროექტი:

- ა) დამცავი ნაგებობის ტიპის შერჩევა;
- ბ) დამცავი ნაგებობის პარამეტრებისა და საპროექტო კვეთის დადგენა;
- გ) სამშენებლო სამუშაოების მოცულობების დადგენა;
- დ) ნაგებობისათვის საჭირო ინერტული მასალის კარიერების მოძიება და ოპტიმალური ვარიანტის შერჩევა;
- ე) მშენებლობის ორგანიზაციის პროექტი;
- ვ) სახარჯთაღრიცხვო ნაწილი.

**შენიშვნა:** საპროექტო-სახარჯთაღრიცხვო დოკუმენტაცია წარმოდგენილ იქნეს 5 ეგზემპლარად, როგორც ნაბეჭდი ასევე ელექტრონული ფორმით.

